

BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM  
KOMISIJA ZA SAOBRAĆAJ I KOMUNIKACIJE  
Broj: 01/6-011-39/03  
Sarajevo, 28.01.2003. godine

### ZAPISNIK

**druge** sjednice Komisije za saobraćaj i komunikacije Predstavničkog doma Parlamentarne skupštine BiH.

Druga sjednica Komisije za saobraćaj i komunikacije Predstavničkog doma Parlamentarne skupštine BiH održana je 24.01.2003. godine u vremenu od 12,00 do 13,45 sati.

Sjednicom je predsjedavao predsjedavajući Komisije Miloš Jovanović.

Sjednici su, osim predsjedavajućeg, prisustvovali članovi Komisije: Nenad Mišić, Ivo Lozančić, Muhamed Moranjkić, Selim Bešlagić, Adem Huskić i Izet Hadžić.

Sjednici Komisije nije prisustvovao Milorad Živković dok je Bariši Čolaku prestalo članstvo u Komisiji imenovanjem za ministra u Vijeću ministara BiH.

Sjednici su prisustvovali i Nikola Špirić, u svojstvu predstavnika predlagača zakona, Zahida Hurtić-Strika, stručni savjetnik u Ministarstvu za saobraćaj i komunikacije pri Vijeću ministara BiH, te Dragica Hinić, stručni saradnik u radnim komisijama.

Za sjednicu je predložen slijedeći

#### DNEVNI RED:

- 1. Verifikacija zapisnika 1. sjednice Komisije za saobraćaj i komunikacije Predstavničkog doma Parlamentarne skupštine BiH;
- 2. Izbor prvog i drugog zamjenika predsjedavajućeg Komisije za saobraćaj i komunikacije Predstavničkog doma Parlamentarne skupštine BiH;
- 3. Razmatranje Prijedloga zakona o prijenosu, regulatoru i operatoru sistema električne energije u BiH (predlagač: Dom naroda);
- 4. Tekuća pitanja.

Dnevni red jednoglasno je usvojen.

#### Ad.1.

- a) Zapisnik 1. sjednice Komisije usvojen je jednoglasno bez primjedbi.
- b) Potom je predsjedavajući Komisije Miloš Jovanović predložio da se kao vrijeme održavanja budućih sjednica Komisije odredi termin od 11,00 sati i da se, u principu, izbjegava petak za njihovo održavanje, s obzirom na vjerske obaveze pojedinih poslanika. Ovaj prijedlog predsjedavajućeg članovi Komisije usvojili su jednoglasno.

### **Ad.2.**

Predsjedavajući Komisije je, saglasno zaključku prve sjednice ove komisije, predložio da se izvrši izbor zamjenika predsjedavajućeg iz reda bošnjačkog i hrvatskog naroda. Pri tome je istaknuo da bi bilo dobro da se u međuvremenu izabere novi član ove komisije iz reda hrvatskog naroda koji bi zamjenio Barišu Čolaka, te preporučio da se za prvog zamjenika predsjedavajućeg izabere predstavnik iz reda bošnjačkog naroda, s obzirom da je do sada predsjedavajući bio iz reda hrvatskog naroda.

Potom je za prvog zamjenika predsjedavajućeg predložen Muhamed Moranjkić iz reda bošnjačkog naroda, a za drugog zamjenika predsjedavajućeg iz reda hrvatskog naroda Ivo Lozančić, predsjedavajući Komisije u prethodnom sazivu.

Izet Hadžić se u principu saglasio sa prijedlogom, s tim da bi se o prijedlogu za izbor drugog zamjenika predsjedavajućeg iz reda hrvatskog naroda eventualno opet raspravljalo ako bi Klub HDZ-a imao drugačiji prijedlog od navedenog.

Navedeni prijedlog su članovi Komisije usvojili jednoglasno uz ogradu koju je iznio Izet Hadžić.

### **Ad.3.**

a) Prije rasparave o navedenoj tački dnevnog reda, predsjedavajući Komisije Miloš Jovanović izložio je prijedlog još jednog principa o postupanju Komisije u budućem radu, a po kome se ni o jednom prijedlogu zakona na Komisiji neće raspravljati u slučaju da sjednici Komisije ne prisustvuje predstavnik predлагаča zakona, a u slučaju njegovog nedolaska i na slijedeću sjednicu Komisije smarat će se da je odustao od prijedloga zakona. Ove odredbe su regulirane i Poslovnikom o radu Predstavničkog doma i treba ih se strogo pridržavati.

Navedeni princip su članovi Komisije jednoglasno prihvatili.

b) Predsjedavajući Komisije Miloš Jovanović je ukratko je informirao članove Komisije o predloženom zakonu i istaknuo da je on usvojen od Doma naroda, koji je predlagač, te da je za njega dostavljeno mišljenje Ustavno-pravne komisije i dopis Ministarstva vanjske trgovine i ekonomskih odnosa pri Vijeću ministara BiH čije je mišljenje po ovom zakonu negativno. Naglasio je da do dana održavanja sjednice Komisije nije bilo uloženih amandmana. Također je istaknuo da se sjednica Komisije održava prije isteka roka za ulaganje amandmana na prijedlog zakona koji ističe 31.01.2003 god., te se on može na ovoj sjednici razmatrati uslovno. Dakle, ako u međuvremenu neko od ovlaštenih uloži amandmane na prijedlog zakona, predloženi zakon će se morati razmatrati na narednoj sjednici Komisije.

Potom je data riječ predstavniku predlagača zakona Nikoli Špiriću koji je istaknuo da se ovim zakonom ne dira suština zakona jer se promjenom sjedišta «DERK-a» isključivo vrši samo decentralizacija u mjesto gdje je energetski centar i zbog toga je on i usvojen u Domu naroda. U raspravi su dalje učestvovali Selim Bešlagić, Muhamed Moranjkić, Ivo Lozančić, Adem Huskić i Izet Hadžić.

Većina učesnika u raspravi smatra da je predmetni zakon potrebno usvojiti kako je to predložio i Dom naroda, jer se njime ne mijenja suština zakona. Mijenja se samo sjedište a ono bi trebalo biti u Tuzli, jer je to jedan od osnovnih koraka ukoliko se želi decentralizacija i ravnomjeran razvoj svih regija u BiH.

Nenad Mišić saglasan je navedenim mišljenjem, s tim da ove principe treba primjenjivati ubuduće i u svakom drugom slučaju gdje je to moguće.

Muhamed Moranjkić je mišljenja da je ministrica za svoj stav naveden u dopisu trebalo argumentacijom da se izbori na Domu naroda kada je ovaj zakon razmatran a ne naknadno. Po njemu, veću težinu u ovom slučaju ima mišljenje Doma naroda od ministricinog mišljenja. Adem Huskić slaže se u principu, s navedenim, ali u vezi s konkretnim prijedlogom zakona smatra da je postojala jaka argumentacija koja je uslovila dopis ministricice Azre Hadžiahmetović za njegovo neusvajanje. Stoga on ne može prihvatiti navedeni zakon.

Ivo Lozančić je sličnog mišljenja i smatra da usvajanje ovih izmjena može dovesti do problema u funkcioniranju i radu, ali će ipak glasati za usvajanje predloženog zakona. Selim Bešlagić predložio da se predmetni prijedlog zakona usvoji i prosljedi u dalju parlamentarnu proceduru, a ako na samoj sjednici Doma dobije valjanu argumentaciju za suprotno, svoj stav može promijeniti prilikom samog glasanja.

Predsjedavajući Komisije je potom ponovo istaknuo da na predloženi zakon nije bilo uloženih amandmana, te predložio Domu njegovo usvajanje uz upućivanje u dalju parlamentarnu proceduru.

Nakon okončane rasprave, članovi Komisije su se glasanjem izjasnili o Prijedlogu zakona tako da je za Prijedlog zakona glasalo šest članova Komisije, a protiv je bio jedan član i to Adem Huskić, čime je Zakon dobio potrebnu većinu i bit će upućen u dalju parlamentarnu proceduru.

#### **Ad.4.**

Predsjedavajući Komisije Miloš Jovanović informirao je članove Komisije da je stigao dopis predsjedavajućeg Predstavničkog doma za izradu i dostavu Orijentacionog radnog plana za 2003. godinu sa rokom od 20 dana utvrđenih Poslovnikom. On smatra je da se ova komisija treba, prije svega, kretati u okviru Plana rada Predstavničkog doma, plana rada Vijeća ministara BiH, ali može davati i svoje prijedloge akata ukoliko oni nisu predloženi od strane istih. Istaknuo je da je da su poslanici u prethodnom sazivu predložili šest zakona iz ove oblasti koji će biti van procedure ukoliko ih neko od poslanika novog saziva ne preuzme, saglasno zaključku Doma.

U raspravi su potom učestvovali Selim Bešlagić, Ivo Lozančić, Nenad Mišić, Izet Hadžić i Muhamed Moranjkić.

Selim Bešlagić istaknuo je problem nepostojanja zakonske regulative na nivou BiH u ovoj oblasti. On smatra da bi bilo dobro hitno zatražiti mišljenja i Plan rada Vijeća ministara BiH, te mišljenja i prijedloge resornih ministarstava u entitetima i drugih državnih institucija i agencija na nivou BiH o potrebi donošenja zakonskih projekata za tekuću godinu. Na osnovu takvih prijedloga, zatim zakona koji su bili predloženi od poslanika u prethodnom sazivu koje je potrebno preuzeti, te zakona koje bi ova komisija predložila u slučaju da ne budu kandidovani od navedenih institucija, bio bi sačinjen kvalitetan i sveobuhvatan plan rada Komisije za tekuću godinu. Naglasio je potrebu za donošenjem zakonske regulative na državnom nivou vezano za pitanje koncesija za izgradnju cesta, kategorizaciju cesta, razvoj željeznica i dr. Konkretno je postavio problem povezivanja regiona Tuzle s Orašjem i istaknuo potrebu za izgradnjom ceste na relaciji Tuzla-Brčko-Orašje i davanje koncesija što prije, jer bi, u protivnom, ovaj region bio odsječen. Bilo bi, po njegovom mišljenju, dobro sačiniti shemu svih institucija, organizacija, agencija iz ove oblasti s kojima Komisija, po potrebi, može kontaktirati.

Nenad Mišić naglasio je da su u Komisiji za vanjske poslove prihvatili stav da se Domu dostavi Plan koji sadrži samo ona akta koja su trenutno u proceduri, a da se sačeka Plan Vijeća ministara BiH i potom na nekoj od narednih sjednica sačini konkretan plan rada za tekuću godinu.

Izet Hadžić predložio je da rukovodstvo Komisije obavi razgovore s nadležnim ministarstvom Vijeća ministara BiH, prikupi mišljenja ostalih institucija i potom da se napravi plan rada Komisije.

Muhamed Moranjkić je mišljenja da je potrebno sagledati koja su to ministarstva i druge institucije i organizacije koje u ovoj oblasti mogu dati svoj doprinos u saradnji s ovom komisijom, počev od Vijeća ministara BiH, Kolegija Doma, agencija i organizacija na državnom nivou, resornih ministarstava na entetskom i kantonalm nivou. Na osnovu svih